



AKTUELNOSTI

Odlazak u penziju/ Organiziran ispraćaj službenice Amire Imamović **Poslove šefa administracije u Tužilaštvu obavljala više od 20 godina**

Povodom odlaska u penziju, u Tužilaštvu Brčko distrikta BiH održana je prigodna svečanost i kolegijalni ispraćaj dugogodišnje službenice ovog tužilaštva Amire Imamović.

Naglasivši značaj i vrijednost posla koji je tokom karijere više nego uspješno obavljala i u koji je nesebično utkala više od polovine radnog vijeka, glavni tužilac Tužilaštva Zekerija Mujkanović čestitao je službenici Imamović ovaj važan životni i profesionalni trenutak. U ime cijelog kolektiva, on se zahvalio Imamović na dugodišnjoj saradnji, istakavši da je ona u svakom trenutku bila na dobrobit institucije i javne službe koju je dosljedno, posvećeno i profesionalno obavljala. On je naglasio da su pouzdanost, savjesnost, marljivost i profesionalizam, osobine koje je svojim odnosom prema poslu i kolektivu Imamović trajno vezala za svoje ime, kao najviše standarde poslovnosti i kolegijalnosti.

U emotivnom govoru, Imamović se zahvalila glavnom tužiocu, tužiocima i drugim kolegama i koleginicama na saradnji i podršci tokom prethodne 22 godine, koliko je obavljala poslove šefice administracije u Tužilaštvu Brčko distrikta. Naglasivši da će je za Tužilaštvo najprije vezivati iskrena kolegijalnost koju neće zaboraviti, Imamović je istakla da će joj uz najljepše uspomene ostati velika čast što je javnu službu obavljala upravo u ovoj pravosudnoj instituciji od njenog osnivanja.

Svečani ispraćaj službenice Imamović završen je razmjenom prigodnih poklona i zajedničkim fotografisanjem, uz iskrene želje koleginci za dobrim zdravljem i srećom u više nego zasluženju penziji.

Tužilaštvo Brčko distrikta Bosne i Hercegovine, 13. novembar 2023. godine